

Feiawehrwettbewerb

Wia de Plotta Feiawehr fost g'wunga hätt

Feiawehrwettbewerb in Retzt
des is Ernst, des is koa Hetz!
Dro a da beste Trupp aus Plott
hoffnungvoi teug'nomma hot.

No Staffölauf und on're Sochan -
wo koan Preis de Plotta mochan -
sog'n's, wia da Brondongriff dro is:
„In erscht'n Plotz moch ma iatzt g'wiss,
woma, wia g'lernt, in Brond
ongreifan olle mitanond!“

Da Edl wor da Kummandant -
nia bringt d'Beföh' er durchanond.
„Olle Monna on's Gerät!“ kimmt z'erscht,
„Schlauchleitung leg'n!“ nocha erscht.

Nervös, des wor da Edl scho,
so guit a de Beföh' a ko.
Wia's los geht schreit a: „Olle legen!“
Ois schaut und neam traut si beweg'n.

Disqualifiziert! G'schimpft hob'm's ois wia.
Owa: trotzdem hot ea nocha g'schmeckt is Bier!

*August 2019
Zum Jubiläum 110 Jahre Platter Feuerwehr*